

Avtale om bruk av datautstyr 8 – 10. klasse

Elevane er ansvarlege for at dei nyttar utstyret til det dei skal i skuletida. Det overordna IKT reglement Vanylven kommune med rettleiing gjeld for alle elevane ved skulen. Gjennom FEIDE-prosjektet har alle elevane ved skulen fått tildelt eit passord som skal gje dei ei pålogging til alle ressursar.

Reglane gjeld brukarrettar og oppførsel gjeld bruk av datamaskiner/ikt-utstyr generelt både for kommunen sitt nettverk og for Internett. Reglane er laga for å verne dine og andre sine rettar til å bruke og dele nettet. I tillegg til norsk lov, mellom anna om undervisning, om åndsverk, kjøp og sal av tenester og telekommunikasjon, gjeld følgjande reglar for bruk av datautstyr ved vår skule:

Generelle reglar for utlån:

Eg har det fulle ansvar for å passe på at ingen skade skjer på maskinen (Gjeld både maskin, programvare, adapter og anna utstyr).

1. Maskinene bli brukt til det undervisninga til kvar tid legg opp til.

Døme på dette er:

- Å løyse oppgåver og prosjekt som er ein del av undervisninga.
- Å skrive dei rapportane og innleveringane som går inn i dei forskjellige fag.
- Avvikling av prøver og testar.
- Individuell trening på databruk.
- Anna verksemd som chat, spel, sjekking av e-post, streaming av filmar/seriar og generell surfing på nett, skal berre skje etter avtale med lærar.

2. Eg har ikkje lov til

- å laste ned stoff frå internett, CD, DVD, eller andre eksterne lagringsinstansar som eg ikkje har fått tydeleg løyve til frå faglærar
- å avinstallere programvare som skal vere på maskina
- å bruke datamaskina til å kommunisere med andre i skuletida utan særskilt løyve (t.d. Facebook, Instagram, Snapchat, Twitter m.m.)
- å ha maskina open når læraren underviser frå tavle/kateter, eller på annan måte gjennomgår felles stoff i klassen
- å ete/drikke samstundes som eg arbeider på maskina
- Å teikne på eller lime klistermerker på datamaskinene

3. Du har ansvaret for ditt eige område. All lagring skal skje i di eiga mappe.

- Skulen kan kontrollere innhaldet av ditt eige private område ved behov. Brukar skal då bli informert.
- Det er ikkje tillate å skaffe seg urettmessig tilgang til andre brukarar sine data. Forsøk på dette vil føre til sanksjonar.
- Logg eller slå alltid av maskina når du går frå eller er ferdig med bruk.
- Nettet må ikkje brukast til å fornærme eller plage andre brukarar.
- Nettet må ikkje brukast til å bryte andre brukarar sin rett til personvern.
- Det er ikkje tillate å søkje urettmessig tilgang til ressursar på nettet (Hacking, Piratkopiert programvare, bruk av falsk digital ID)
- Dersom du lagar ei eiga heimeside, må du følgje reglane for publisering av informasjon på Internett. Pressa sin "ver varsam plakat" gjeld også her.

4. I høve til tentamen, eksamen, prøver m.m.

Eg pliktar sjølv å sjå til at maskinen er klar til bruk, med alle nødvendige funksjonar på plass!
Dersom noko er i ustand/manglar, skal eg i god tid før prøva ta kontakt med systemansvarleg.

5. Vern om din eigen identitet. Ver forsiktig med å gje opplysningar om deg sjølv som kan bli misbrukt av andre.

- FEIDE identitet, Eige passord og e-postadresse skal ikkje nyttast av andre enn deg sjølv.
- Ikkje avtal å møte nokon du er blitt kjed med på nettet utan godkjenning frå foreldre/føresette.

6. Det er ulovleg å bryte nettreglane for akseptabel bruk eller på andre måtar å vere med på ulovlege handlingar.

- Informer lærarane om du oppdagar ubehaglege eller ulovlege handlingar.
- Det er ikkje lovleg å gå inn på sider som inneheld pornografi. Det er også ulovleg å formidle pornografi til andre.

7. Dersom noko likevel skulle skje

- Dersom noko skulle skje med maskinen, skal eg STRAKS ta kontakt med systemansvarleg
- Bevisst skadeverk (ikkje uhell) vil bli rapportert til heimen snarast råd, og vil føre til merknad som vil bli teken med i fastsetjing av åtferdskarakteren ved terminslutt.
- Skadeverket vil vidare, på lik line med øydelegging av anna skulemateriell, måtte erstattast/ordnast av meg sjølv/føresette. Dette kan omfatte oppdatering, reparasjon eller erstatning av utstyr.
- Mobbing, diskriminering eller trakassering av andre gjennom skulen sitt IKT-utstyr kan føre til utestenging frå all bruk av IKT i ei periode. Alvorlege tilfelle vert melde til politiet.
- Dersom ein eller fleire av punkta ovanfor vert brotne, vil vidare utlån opphøre umiddelbart.
- Maskinen vil med jamne mellomrom bli sjekka med omsyn til alle desse punkta av systemansvarleg ved skulen. Systemansvarleg har open og full tilgong til maskina, og kan utan førehandsvarsling ta inn maskina for å sjekke.

Overtreding av reglane vil medføre tiltak som kan avgrense tilgangen til bruk av skulen sitt datautstyr over kortare eller lengre periodar. Grove overtredingar vil føre til vanleg straffereaksjonar.

Eg stadfestar med dette å ha lese og godteke alle vilkåra i denne kontrakten:

Dato

Namn elev

Namn føresett

Dato

Kontaktlærer